



---

**- SENAT -**

Broj: 01-5-1/22

Sarajevo, 13. 04. 2022. godine

**Z A P I S N I K  
SA 12. TEMATSKE SJEDNICE SENATA  
UNIVERZITETA U SARAJEVU ODRŽANE 13. 04. 2022. GODINE**

**Prisutni članovi/članice Senata:** prof. dr. Rifat Škrijelj, rektor Univerziteta u Sarajevu, prof. dr. Dubravka Pozderac-Lejlić, prof. mr. Faruk Lončarević, prof. dr. Amira Salihbegović (po ovlaštenju), prof. dr. Meliha Bašić (po ovlaštenju), prof. dr. Ahmet Alibašić, prof. dr. Jasmin Ahić, prof. dr. Sead Turčalo, prof. dr. Haris Alić, prof. dr. Amel Kosovac, prof. dr. Arzija Pašalić, prof. dr. Tamer Bego (po ovlaštenju), prof. dr. Muhamed Dželilović, prof. dr. Samir Dolarević, prof. dr. Darko Tomašević, prof. dr. Izet Bijelonja, prof. dr. Amina Valjevac, prof. dr. Valida Akšamija (po ovlaštenju), prof. dr. Daniel Maleč, doc. dr. Vedad Falan (po ovlaštenju), prof. dr. Edina Sudžuka (po ovlaštenju), prof. dr. Nusret Drešković, prof. dr. Sadeta Šečić (po ovlaštenju), prof. dr. Ahmet Lojo, prof. dr. Sabina Šerić-Haračić (po ovlaštenju), prof. dr. Naris Pojskić, dr. sc. Adnan Kadrić, prof. dr. Rasim Muratović, dr. sc. Sedad Bešlija, dr. sc. Jasmin Hodžić, prof. dr. Enra Mehmedika-Suljić (po ovlaštenju), dr. sc. Ismet Ovčina, prof. dr. Emir Tahirović, te predstavnici Studentskog parlamenta Univerziteta u Sarajevu: Faruk Dević, predsjednik, Jasmin Fazlić, Edita Mujezin, Inela Subašić.

**Ostali prisutni:** prof. dr. Dženana Husremović, prorektorica za nastavu i studentska pitanja, prof. dr. Tarik Zaimović, prorektor za finansije, prof. dr. Enita Nakaš, prorektorica za međunarodnu saradnju, prof. dr. Dušanka Bošković, prorektorica za kvalitet, prof. dr. Mirza Dautbašić, prorektor za naučnoistraživački rad, prof. dr. Tamara Karača-Beljak, prorektorica za umjetnost, kulturu i sport, Merjema Srna, student-prorektor, Kenan Filipović, generalni sekretar i Berina Smajlović-Doljančić, rukovoditeljica Službe za pravne poslove.

**Odsutni članovi/članice Senata:** prof. dr. Jasmin Velagić, Naida Bašić, Emin Zaimović i Rijad Kaniža

Sjednica je počela u 13:00 sati.

Utvrđeno je da od ukupno 41 člana Senata sjednici prisustvuje 37 članova Senata, od toga 9 (devet) članova sa ovlaštenjem koje se nalazi u dokumentaciji Senata.

Sjednicom je predsjedavao prof. dr. Rifat Škrijelj, rektor Univerziteta u Sarajevu, na čiji je prijedlog jednoglasno usvojen slijedeći

## **DNEVNI RED:**

- Izveštaj o radu sa finansijskim poslovanjem Univerziteta u Sarajevu za period 01. 01. do 31. 12. 2021. godine
  - Nalaz Interne revizije o provedenom nadzoru o finansijskim procesima na Univerzitetu u Sarajevu i organizacionim jedinicama za period 01. 01. do 31. 12. 2021. godine
- Prijedlozi prioriteta za izradu Dokumenta okvirnog budžeta Kantona Sarajevo za period 2023-2025. godine
- Tekuća pitanja.

## **TOK SJEDNICE:**

### **Ad-1.**

**Izveštaj o radu sa finansijskim poslovanjem Univerziteta u Sarajevu za period 01. 01. do 31. 12. 2021. godine sa Nalazom Interne revizije o provedenom nadzoru o finansijskim procesima na Univerzitetu u Sarajevu i organizacionim jedinicama za period 01. 01. do 31. 12. 2021. godine:**

**Jednoglasno je donesena slijedeća**

## **ODLUKA**

### **I**

Prihvata se Izveštaj o radu sa finansijskim poslovanjem Univerziteta u Sarajevu za period 01. 01. do 31. 12. 2021. godine sa Nalazom Interne revizije o provedenom nadzoru o finansijskim procesima na Univerzitetu u Sarajevu i organizacionim jedinicama za period 01. 01. do 31. 12. 2021. godine.

### **II**

Očitovanje Univerziteta u Sarajevu, broj: 01-4185/22 od 13. 04. 2022. godine na Nalaz Interne revizije o provedenom nadzoru o finansijskim procesima na Univerzitetu u Sarajevu i organizacionim jedinicama za period 01. 01. do 31. 12. 2021. godine, broj: IR-05/22 od 11. 04. 2022. godine.

### **III**

Izveštaj iz tačke I ove odluke upućuje se Upravnom odboru Univerziteta u Sarajevu, na usvajanje.

U skladu sa diskusijom prof. dr. Narisa Pojskića i prof. dr. Seada Turčala, na prijedlog prof. dr. Rifata Škrijelja, donesen je slijedeći

**Jednoglasno je donesen slijedeći**

## **ZAKLJUČAK**

- Organizacione jedinice Univerziteta u Sarajevu koje iskažu potrebu za izradom posebnog godišnjeg izvještaja o radu koji sadrži i elemente koji nisu obuhvaćeni članom 136. stav

- (11) Zakona o visokom obrazovanju Kantona Sarajevo, mogu, putem vijeća, isti usvojiti i učiniti dostupnim na svojim web stranicama.
2. Organizacione jedinice koje donesu izvještaj o radu iz tačke 1 ovog zaključka isti u elektronskoj formi dostavljaju i Univerzitetu u Sarajevu.

#### **Ad-2.**

#### **Prijedlozi prioriteta za izradu Dokumenta okvirnog budžeta Kantona Sarajevo za period 2023-2025. godine:**

**Jednoglasno je donesena slijedeća**

### **ODLUKA**

Utvrđuje se Prijedlog prioriteta za izradu Dokumenta okvirnog budžeta Kantona Sarajevo za period 2023-2025. godine u skladu sa Zakonom o budžetima u Federaciji Bosne i Hercegovine („Službene novine FBiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19) i upućuje se Upravnom odboru Univerziteta u Sarajevu na dalje postupanje.

#### **Ad-3.**

#### **Tekuća pitanja:**

- a) Prof. dr. Rifat Škrijelj informisao je članove Senata da je potpisan Sporazumu o realizaciji „Projekta urbane transformacije Sarajeva“ između ETH Zurich, Univerziteta u Sarajevu i Zavoda za planiranje razvoja Kantona Sarajevo. Sporazum se fokusira na sljedeće komponente projekta: naučna i na činjenicama zasnovana podrška ETH Zurich i UNSA Zavodu za planiranje Kantona Sarajevo na izradi i testiranju Urbanističkog plana, uključujući razvoj UP digitalnog alata za Sarajevo, koji se koristi za analizu polazne osnove, te simulaciju i vizualizaciju budućih scenarija za razvoj grada Sarajeva i razvoj urbanih prototipova i intervencija manjeg obima kao katalizatora urbane transformacije Sarajeva.
- b) Prof. dr. Rifat Škrijelj informisao je članove Senata da je rušenjem pet dotrajalih zgrada i čišćenjem terena, okončana prva faza radova na izgradnji i uređenju Kampusa Univerziteta u Sarajevu. Realizaciju ovog projekta je sa stručne strane pratila radna grupa koju čine predstavnici Direkcije za izgradnju i održavanje Kampusa, Civilne zaštite Općine Novo Sarajevo, Zavoda za izgradnju KS i UNDP-a. Multifunkcionalna pozornica/amfiteatar na otvorenom, trim staza sa teretanom za vježbanje, pješačke staze sa nekoliko posebnih, tematski uređenih površina i urbanim mobilijarom, te hortikulturno uređene zelene površine, samo su neki od sadržaja koji su predviđeni glavnim projektom.
- c) Prof. dr. Rifat Škrijelj istakao je da se nakon objavljivanja poziva za izbor izvođača radova i opremanja Univerzitetske biblioteke, te po okončanju navedene procedure, ovog ljeta očekuje početak građevinskih radova.
- d) Prof. dr. Rifat Škrijelj također je informisao članove Senata o statusu novoizgrađene zgrade Akademije scenskih umjetnosti, te činjenici da Osnivač traži da se što je moguće prije izvrši primopredaja ovog objekta. Ovom prilikom prof. Škrijelj je istako da zgrada nije dovršena, kao i da nema informacija koliko finansijskih sredstava treba obezbijediti za završetak radova, te da u tom smislu treba održati sastanak sa Osnivačem.
- e) Prof. dr. Rifat Škrijelj informisao je članove Senata da su paviljoni VIII i IX u Studentskom domu Bjelave namijenjeni za adaptaciju i trajni smještaj Fakulteta zdravstvenih studija, te se ovom prilikom zahvalio dekanici Fakulteta zdravstvenih studija prof. dr. Arziji Pašalić

za cjelokupan angažman kako bi Studentski dom Bjelave postao vlasništvo Univerziteta u Sarajevu.

- f) Prof. dr. Rifat Škrijelj informisao je članove Senata da je realizirana posjeta objektu Univerziteta u Sarajevu koji se nalazi u Omišu, Republika Hrvatska, te istakao da će sveobuhvatna pisana informacija biti predmetom razmatranja na sjednici Upravnog odbora Univerziteta u Sarajevu.

Sjednica je zaključena u 14:17 sati.

***R E K T O R***

***Prof. dr. Rifat Škrijelj, s.r.***

*Zapisničar:*

*Alma Voloder-Madacki, s. r.*